

Cynulliad Cenedlaethol Cymru
Adroddiad Blynyddol a Chyfrifon

Cynllun Pensiwn Aelodau

O 1 Ebrill 2011 hyd at 31 Mawrth 2012



Cynulliad
Cenedlaethol
Cymru

National
Assembly for
Wales

Cynulliad Cenedlaethol Cymru yw'r corff sy'n cael ei ethol yn ddemocrataidd i gynrychioli buddiannau Cymru a'i phobl, i ddeddfu ar gyfer Cymru ac i ddwyn Llywodraeth Cymru i gyfrif.

Gallwch weld copi electronig o'r adroddiad hwn ar wefan y Cynulliad Cenedlaethol:
www.cynulliadcymru.org

Gellir cael rhagor o gopiâu o'r ddogfen hon mewn ffurfiau hygyrch, yn cynnwys Braille, print bras, fersiwn sain a chopïau caled gan:

www.cynulliadcymru.org

gwybodaeth@cymru.gov.uk

archebu@cymru.gov.uk

Ffôn: 0845 010 5500

Cymerwch ran ar Facebook, YouTube, Twitter a Flickr.

© Hawlfraint Comisiwn Cynulliad Cenedlaethol Cymru 2012

Ceir atgynhyrchu testun y ddogfen hon am ddim mewn unrhyw fformat neu gyfrwng cyn belled ag y caiff ei atgynhyrchu'n gywir ac na chaiff ei ddefnyddio mewn cyd-destun camarweiniol na difriol. Rhaid cydnabod mai Comisiwn Cynulliad Cenedlaethol Cymru sy'n berchen ar hawlfraint y deunydd a rhaid nodi teitl y ddogfen.

Cynulliad Cenedlaethol Cymru **Adroddiad Blynyddol a Chyfrifon**

Cynllun Pensiwn Aelodau

O 1 Ebrill 2011 hyd at 31 Mawrth 2012



Cynulliad
Cenedlaethol
Cymru

National
Assembly for
Wales

ADRODDIAD YR YMDDIRIEDOLWYR AM Y CYFNOD A DDAETH I BEN AR 31 MAWRTH 2012 I AELODAU CYNLLUN PENSIWN AELODAU CYNULLIAD CENEDLAETHOL CYMRU	1
YR ADRODDIAD BUDDSODDI	9
DATGANIAD YR ACTIWARI	14
DATGANIAD O GYFRIFOLDEBAU'R YMDDIRIEDOLWYR	17
DATGANIAD O GYFRANIADAU	18
DATGANIAD YR ARCHWILYDD CYFFREDINOL YNG NGHYMRU YNGLŶN Â CHYFRANIADAU	19
DATGANIAD REOLAETH MEWNOL	20
TYSTYSGRIF ARCHWILYDD CYFFREDINOL CYMRU	22
CYFRIFON Y CYNLLUN PENSIWN	24
NODIADAU I GYD-FYND Â'R CYFRIFON	26
DATGANIAD CYDYMFFURFIO	31

ADRODDIAD YR YMDDIRIEDOLWYR AM Y CYFNOD A DDAETH I BEN AR 31 MAWRTH 2012 I AELODAU CYNLLUN PENSIWN AELODAU CYNULLIAD CENEDLAETHOL CYMRU

Cefndir Deddfwriaethol Cynllun Pensiwn Aelodau Cynulliad Cenedlaethol Cymru (“y Cynllun”)

Sefydlwyd y Cynllun o dan adran 18 o Ddeddf Llywodraeth Cymru 1998. Mae Adran 20 (4) o Ddeddf Llywodraeth Cymru 2006 ac Atodlen 11 i Ddeddf Llywodraeth Cymru 2006 yn rhoi dilyniant i'r Cynllun. Nid yw Deddf Llywodraeth Cymru 2006 wedi effeithio ar statws cyfreithiol y Cynllun.

Datblygiadau yn ystod y flwyddyn

Mae Bwrdd Taliadau Cynulliad Cenedlaethol Cymru (“y Bwrdd”), sy'n gyfrifol am bennu cyflog, lwfansau a phensiynau Aelodau'r Cynulliad, wrthi'n cynnal adolygiad o fuddiannau Aelodau, gan gynnwys pensiynau, yn erbyn cefndir o newidiadau sylweddol i bensiynau'r sector cyhoeddus.

Mae'r Ymddiriedolwyr a'u cynghorwyr proffesiynol wedi bod yn ymgysylltu â'r Bwrdd drwy gydol y flwyddyn a bydd yn parhau i wneud hynny drwy gydol yr adolygiad.

Gwnaeth Grant Ballantine o Adran Actwari'r Llywodraeth ymddiswyddo fel Actwari'r Cynllun pan ymddeolodd ar 31 Mawrth 2011 a daeth Trevor Llanwarne o Adran Actwari'r Llywodraeth yn ei le.

Fel sy'n ofynnol o dan ddeddfwriaeth, cadarnhaodd Actwari'r Cynllun a ymddeolodd i'r Ymddiriedolwyr nad oedd yn ymwybodol o unrhyw amgylchiadau sy'n gysylltiedig â'i ymddeoliad a fyddai'n sylweddol ar fuddiannau aelodau'r Cynllun, neu os y gwnaeth, nid oedd yn ymwybodol o unrhyw adroddiadau i'r Rheoleiddiwr Pensiynau.

Cafodd y prisiad actiwaraid tair blynedd ar 1 Ebrill 2011 ei awdurdodi gan actwari'r Cynllun ar 26 Mawrth 2012. Dangosodd canlyniad y prisiad fod y Cynllun wedi'i ariannu 109.5% gyda gwarged o £1.640 miliwn.

Ni fu unrhyw newidiadau arfaethedig i'r rheolau eleni.

Nod yr Adroddiad

Mae'r Cynllun wedi'i eithrio o'r gofyniad a nodir yn Rheoliadau Cynlluniau Pensiwn Galwedigaethol (Datgelu Gwybodaeth) 1996 i baratoi adroddiad a chyfrifon archwiliedig cyn pen saith mis ar ôl diwedd y flwyddyn gyfrifyddu.

Bwriad yr Ymddiriedolwyr yw cydymffurfio ag ysbryd y ddeddfwriaeth hon trwy ddatgelu gwybodaeth berthnasol, gan gynnwys manylion actiwaraid a chyfrifyddu, i bob aelod o'r Cynllun cyn pen 3 mis ar ôl ardystio'r cyfrifon archwiliedig yn unol ag Atodlen 1 paragraff 13 o Reolau'r Cynllun.

Yr Ymddiriedolwyr

Dyma'r Ymddiriedolwyr am y flwyddyn

William Graham AC	(Cadeirydd)
Rosemary Butler AC	(Ymddiswyddodd ar 29 Mehefin 2011)
Yr Arglwydd Dafydd Wigley	(Ymddiswyddodd ar 23 Mehefin 2011)
Yr Arglwydd Michael German	(Disodlwyd ar 12 Hydref 2011)
John Griffiths AC	(Ymddiswyddodd ar 27 Mehefin 2011)
Gareth Jones AC	
David Melding AC	(Penodwyd ar 12 Hydref 2011)
Jocelyn Davies AC	(Penodwyd ar 12 Hydref 2011)
Mike Hedges AC	(Penodwyd ar 12 Hydref 2011)
Peter Black AC	(Penodwyd ar 12 Hydref 2011)

Dyma'r Ymddiriedolwyr ar y dyddiad y cymeradwywyd yr adroddiad blynyddol:

William Graham AC	(Cadeirydd yr Ymddiriedolwyr)
David Melding AC	
Jocelyn Davies AC	
Mike Hedges AC	
Peter Black AC	
Gareth Jones	(Ymddiriedolwr Bensiynwr)

Gweinyddu'r Cynllun

Ysgrifenyddiaeth y Cynllun sy'n gweithredu'r Cynllun o ddydd i ddydd fel rhan o Wasanaethau Ariannol Comisiwn Cynulliad Cenedlaethol Cymru.

Dylid anfon unrhyw ymholiadau am bensiynau neu gais am unrhyw wybodaeth ychwanegol at yr Ysgrifenyddiaeth yn y cyfeiriad a ganlyn:

Cynllun Pensiwn Aelodau Cynulliad Cenedlaethol Cymru
Gwasanaethau Ariannol
Cynulliad Cenedlaethol Cymru
Bae Caerdydd
Caerdydd
CF99 1NA

Roger Beale Ffôn: 02920 898956 Ffacs: 02920 898059
e-bost: roger.beale@cymru.gov.uk

Liz Calder Ffôn: 02920 898809 Ffacs: 02920 898059
e-bost: liz.calder@cymru.gov.uk

Incwm y Gronfa

Mae incwm y Gronfa yn deillio o'r ffynonellau a ganlyn; cyfraniadau gan aelodau gweithredol y Cynulliad a chan Gomisiwn y Cynulliad fel cyflogwr.

Mae Aelodau a Deiliaid Swyddi yn cyfrannu 10% o'u cyflogau os ydynt yn cronni buddion ar sail deugeinfed a 6% o'u cyflogau os ydynt yn cronni buddion ar sail hanner canfed. Mae'r Cynulliad, fel y cyflogwr, yn cyfrannu 23.8% o gyflogau pensiynadwy at y cynllun sylfaenol a'r cynllun Deiliaid Swyddi. Mae'r cyfraddau hyn wedi bod mewn grym ers 1 Ebrill 2009 ac yn dilyn y pedwerydd prisiad tair blynedd ar 1 Ebrill 2011 byddant yn parhau tan 2014.

Prisiad yr Actiwari

Mae'n ofynnol i Actiwari'r Cynllun Iunio adroddiad ar sefyllfa ariannol gyffredinol y Gronfa bob tair blynedd a gwneud argymhellion ar gyfradd cyfraniad Comisiwn y Cynulliad yn y dyfodol. Cwblhawyd y pedwerydd prisiad tair blynedd ar 1 Ebrill 2011 a gosodwyd yr adroddiad ar 4 Ebrill 2012, yn unol â rheolau'r Cynllun.

Roedd y datganiad gan yr Actiwari, dyddiedig 26 Mawrth 2012, yn argymhell cyfradd cyfrannu o 23.8% o gyflog pensiynadwy yr Aelodau gan ddechrau o 1 Ebrill 2012 ymlaen. Mae'r gyfradd hon yn cynrychioli'r swm sy'n ofynnol i dalu costau'r Cynllun er mwyn sicrhau y telir am fuddiannau a chyfraniadau'r Aelodau gan ystyried gwasanaeth presennol a gwasanaeth yn y dyfodol.

Mae'r dystysgrif ddilynol, dyddiedig 26 Ebrill 2012, (tudalennau 15 a 16) yn cadarnhau bod cyfraniad y Cynulliad o 23.8% yn ddigonol ar gyfer y flwyddyn nesaf. Mae'r lefel bresennol yn ddigonol i dalu am y buddiannau presennol. Mae'r datganiadau hyn yn seiliedig ar asedau a rhwymedigaethau'r Cynllun ar y dyddiad prisio. Mae'r datganiadau hyn yn cydymffurfio'n llawn â gofynion Nodyn Cyfarwyddyd GN9 y Sefydliad Actiwariadaid a'r Gyfadran Actiwariadaid.

Aelodaeth

Aelodau Gweithredol

Aelodau Gweithredol ar 1 Ebrill 2011	59
<i>(39 ohonynt yn Ddeiliaid Swyddi)</i>	
<i>ynghyd ag:</i> Aelodau newydd yn ystod y flwyddyn	24
<i>llai:</i> Aelodau sydd wedi gadael yn ystod y flwyddyn	22
Aelodau sydd wedi ymddeol yn ystod y flwyddyn	0
Aelodau a fu farw mewn gwasanaeth	0
Aelodau Gweithredol ar 31 Mawrth 2012	61

Aelodau sy'n gohirio cymryd eu pensiwn

Aelodau sy'n gohirio cymryd eu pensiwn ar 1 Ebrill 2011	13
<i>ynghyd ag:</i> Aelodau a adawodd gan gadw'u hawl i ohirio cymryd eu pensiwn	12
<i>llai:</i> Aelodau a hawliodd eu pensiwn gohiriedig	0
Aelodau sy'n gohirio cymryd eu pensiwn ar 31 Mawrth 2012	25

Pensiynwyr sy'n derbyn tâl

Pensiynwyr a oedd yn derbyn Tâl ar 1 Ebrill 2011	19
<i>ynghyd ag:</i> Aelodau sy'n ymddeol yn ystod y flwyddyn	9
<i>ynghyd ag:</i> Aelodau a hawliodd eu pensiwn gohiriedig	0
<i>Ynghyd ag:</i> Aelodau sydd â dibynyddion newydd	1
<i>llai:</i> Aelodau a fu farw yn ystod y flwyddyn	0
Pensiynwyr a oedd yn derbyn Tâl ar 31 Mawrth 2012	29

Datgelir manylion y taliadau a wnaed o'r Cynllun yn ystod y flwyddyn yn Nodyn 6 y cyfrifon. Cynyddwyd pensiynau sy'n cael eu talu o 11 Ebrill 2011 ymlaen 3.1% yn unol â Gorchymyn Cynyddu Pensiynau (Adolygu) 2011.

Paratoi ac Archwilio'r Cyfrifon Blynyddol

Paratoir y cyfrifon yn unol â'r Datganiad Arferion a Argymhellir (SORP), Adroddiadau Ariannol Cynlluniau Pensiwn (diwygiwyd Mai 2007), cyn belled â bod hynny'n briodol.

Mae'r cyfrifon hyn yn cael eu paratoi gan swyddogion y Cynulliad, ar ran yr Ymddiriedolwyr, ac yn cael eu harchwilio gan Archwilydd Cyffredinol Cymru. Maent yn cael eu paratoi a'u harchwilio o dan Adrannau 41 (1) a (6) o Ddeddf Pensiynau 1995 ac yn unol ag OS 1996/1975 Rheoliadau Cynlluniau Pensiwn Galwedigaethol (Gofyniad i dderbyn Cyfrifon Archwiliedig a Datganiad gan yr Archwilydd).

Rhagwelir y bydd y cyfrifon archwiledig yn cael eu gosod gerbron y Cynulliad cyn pen 3 mis ar ôl llofnodi a chyhoeddi Datganiad yr Archwilydd.

Mae copiau o'r cyfrifon hyn ar gael gan yr Ysgrifenyddiaeth os gwneir cais amdanynt.

Crynodeb o'r Wybodaeth Ariannol

£1,666,872 oedd yr incwm yn ystod y cyfnod (2010-2011 £1,445,068), a £932,507 oedd gwariant y Cynllun (2010-2011 £536,914). £20,297,881 oedd asedau net y Cynllun ar 31 Mawrth 2012 (31 Mawrth 2011 £18,784,595).

Yn ystod y cyfnod, rhoddwyd cyfanswm o £904,437 i Reolwyr y Gronfa i'w fuddsoddi yng Nghronfa Bensiwn Twf Amrywiol a Chronfa Bensiwn Reoledig Baillie Gifford. Ni wnaed unrhyw ychwanegiadau at Gronfa Bensiwn Reoledig Baillie Gifford yn ystod y flwyddyn. Cyfanswm gwerth y Gronfa ar y farchnad ar 31 Mawrth 2012 oedd £19,812,289 (31 Mawrth 2011 £18,129,617).

Ar 31 Mawrth 2012, roedd cyfanswm o £389,824 (31 Mawrth 2011 £250,000) mewn cyfrif cadw y Trysrols ac roedd banc y Cynllun yn ennill llog yn seiliedig ar gyfraddau'r farchnad ariannol gyfredol. Caiff yr arian hwn ei gadw at ddibenion hunanyswirio.

Buddsoddiadau

Mae'r holl fuddsoddiadau mewn daliannau a ganiateir gan reoliadau'r Cynllun ac na chânt eu gwahardd gan yr Ymddiriedolwyr.

Nid yw maint asedau'r cynllun yn ddigon i ganiatáu portffolio llawn amrywiaeth o fuddsoddiadau pe bai'r asedau'n cael eu buddsoddi'n uniongyrchol mewn bondiau, stociau a chyfranddaliadau. Felly, nes i'r asedau dyfu'n ddigon mawr, cred yr Ymddiriedolwyr mai'r ffordd fwyaf effeithiol o fuddsoddi gydag amrywiaeth addas ac am gost resymol yw defnyddio ymddiriedolaethau uned neu gwmnïau buddsoddi penagored.

Mae'r Ymddiriedolwyr yn disgwyl i adenillion y buddsoddiadau fod yn ganolig neu'n well ar gyfer eu sector wrth eu mesur yn erbyn cronfeydd pensiynau cyfun tebyg. Disgwylir hefyd i adenillion y buddsoddiadau fod yn uwch na chwyddiant pris ac i'r gwahaniaeth rhwng y ddau fod yn ddigon i sicrhau y darperir ar gyfer buddiannau'r Cynllun yn unol â chyfrifiadau actiwaraid y cynllun.

Polisi Buddsoddi

Yr Ymddiriedolwyr sy'n pennu Polisi'r Cynllun a bydd yn cael ei adolygu o bryd i'w gilydd. Nodir y polisi sydd mewn grym ar 31 Mawrth 2012 yn y

Datganiad o Egwyddorion Buddsoddi, sydd wedi'i fabwysiadu gan yr Ymddiriedolwyr a gall Aelodau wneud cais i Ysgrifenyddiaeth y Cynllun i'w weld. Nid yw'r polisi'n caniatáu unrhyw fuddsoddiad cysylltiedig â'r cyflogwr.

Dyma'r amcanion perfformiad ar gyfer y cronfeydd buddsoddi:

Cronfa Bensiwn Reoledig Baillie Gifford – perfformio 1.0 – 1.5% (gros) yn well bob blwyddyn na Chronfa Gronedig Ganolrif CAPS Gytbwys dros gyfnodau treigl o dair blynedd.

Dros y pum mlynedd ddiwethaf bu cynnydd o 6.0% yng nghyfradd enillion blyneddol y Gronfa Bensiwn Reoledig yn erbyn perfformiad meincnodi o 3.2%

Cronfa Bensiwn Fynegrifol Baillie Gifford – perfformio 0.75% (gros) yn well bob blwyddyn na'r enillion ar Fyngai Gilt Fynegrifol 5 mlynedd Actiwarau'r FT dros gyfnodau treigl o dair blynedd.

Dros y 5 mlynedd ddiwethaf mae'r Gronfa Bensiwn Fynegrifol wedi tangyflawni ychydig; y gyfradd enillion blyneddol oedd 9.4% yn erbyn perfformiad meincnodi o 9.5%.

Cronfa Bensiwn Twf Amrywiol Baillie Gifford – perfformio 3.5% (gros) y flwyddyn yn well na chyfradd sylfaenol y DU (heb gynnwys ffioedd) dros gyfnodau treigl o bum mlynedd.

Dros y tair blynedd diwethaf, ers dechrau'r gronfa, mae'r Gronfa Bensiwn Twf Amrywiol wedi cyflawni cyfradd adennill o 18.6% yn erbyn perfformiad meincnod o 0.5%.

Rheolwr Buddsoddi

Mae'r Ymddiriedolwyr wedi penodi Baillie Gifford Life Ltd fel Rheolwyr y Gronfa ar gyfer y Cynllun ac mae'r Ymddiriedolwyr wedi dirprwyo'r cyfrifoldeb o reoli'r buddsoddiadau iddynt.

Mae buddsoddiadau'n cael eu gwneud drwy bolisi pensiwn Baillie Gifford Life Ltd. Prif nodwedd y polisi yw bod y buddiannau a geir yn hollol ddibynnol ar berfformiad buddsoddi asedau'r Gronfa.

Telir ffi rheoli i Baillie Gifford Life Ltd ar sail canran o gyfanswm gwerth y gronfa ar y farchnad bob blwyddyn: 0.45% yng nghyswllt y Gronfa Bensiwn Reoledig a 0.25% yng nghyswllt y Gronfa Bensiwn Fynegrifol, a 0.45% yng nghyswllt y Gronfa Bensiwn Twf Amrywiol tan 1 Mehefin 2012 pan fydd yn dychwelyd i'r tâl rheoli blyneddol safonol, sef 0.65% ar hyn o bryd, ac mae'r ffi'n cael ei ddiwyddu o werth y Gronfa bob mis.

Mae'r holl asedau yn y cronfeydd mynegrifol sy'n cael eu gweithredu gan Baillie Gifford Life Ltd yn eiddo i gwmni yswiriant, sef Baillie Gifford Life, a chânt eu cofrestru yn enw Baillie Gifford Life.

Nid oes gan y Cynllun geidwad gan ei fod yn buddsoddi mewn unedau mewn polisi bywyd nad oes angen ceidwad arno. Ceidwad Baillie Gifford Life Ltd yw Bank of New York, One Canada Square, LONDON, E14 5AL.

Mae gan Baillie Gifford bolisïau mewnol yn ymwneud â llywodraethu corfforaethol, buddsoddi gan ddangos cyfrifoldeb cymdeithasol, ymgysylltiad Cwmni a gweithredu hawliau pleidleisio. Yn ystod y flwyddyn bu Baillie Gifford yn ymwneud â'r cwmnïau a ganlyn.

- **Llywodraethu Corfforaethol** - BG Group, Brambles Limited, CNOOC, Electra Private Equity, Japan Tobacco Inc., Lonmin, Meggitt, Monsanto Company, Olympos Corporation, Osaka Securities Exchange Co Ltd, Petrofac Limited, Prudential, Reed Elsevier (UK), Terna Spa, Tesco PLC, Total SA, Wood, John Group
- **Cyfrifoldeb Cymdeithasol Corfforaethol** - BHP Billiton, CNOOC, Cairn Energy, Enquest, Heineken Holding, Provident Financial, Rio Tinto, Tesco PLC, Wal Mart Stores
- **Taliadau Gweithredol** - Ashtead Group, Cairn Energy, Hansteen Holdings (UK), Jupiter Fund Management, Michael Page International, Petrofac Limited, Royal Dutch Shell, Standard Chartered, Travis Perkins, Weir Group, Wood, John Group
- **Cynigion AGM neu EGM** - Alfa Laval, Billabong International, Burberry Group, CatCo, Celesio AG, Deutsche Boerse, Foster's Group, Graphite Enterprise Trust, Hargreaves Lansdown, Hong Kong Exchanges & Clearing, IG Group Holdings, IMI (UK), Jyske Bank AS, Linear Technology Corporation, Monsanto Company, Oracle Corporation, Prudential, Rakuten, Reed Elsevier (UK), Rio Tinto, Sage Group (UK), Sinotruk (Hong Kong) Limited, Travis Perkins, Trend Micro, Unilever, Victrex, Wesfarmers,

Mae adroddiad buddsoddi'n ymwneud â'r polisïau buddsoddi yn ystod y flwyddyn ac adolygiad o berfformiad buddsoddiadau'r Gronfa yn ystod y flwyddyn, a natur, trefniadau a diogelwch yr asedau, ynghyd â'r sefyllfa o ran eu gwerthu ar y farchnad stoc i'w cael ar dudalennu 9 i 13. Gwerth y Gronfa Reoledig ar y farchnad ar 31 Mawrth 2012 oedd £13,149,155, sef twf o £305,056 dros y flwyddyn; gwerth y Gronfa Bensiwn Fynegrifol ar y farchnad ar 31 Mawrth 2012 oedd £1,926,872, sef twf o £305,285; gwerth y Gronfa

Bensiwn Twf Amrywiol ar y farchnad oedd £4,736,262, sef twf o £167,894. Caiff y gwerthoedd hyn eu datgelu yn Nodyn 8 sy'n cyd-fynd â'r cyfrifon hyn.


Yn erbyn cefndir o ansicrwydd economaidd, sydd wedi effeithio ar y marchnadoedd stoc, dyma werth gronfeydd y Cynullun pan ddaeth busnes i ben ar 15 Mehefin 2012, ar sail yr unedau a ddaliwyd ar 31 Mawrth 2012:

Cronfa a Reolir:	£12,558,855
Cronfa Bensiwn sy'n Gysylltiedig â Mynegai	£ 1,940,359
Cronfa Bensiwn Twf Amrywiol:	<u>£ 4,711,447</u>
Cyfanswm Gwerth	£ 19,210,661

Mae hwn yn cynrychioli gostyngiad mewn gwerth o 3.0%



William Graham
Aelod Cynulliad
Cadeirydd yr Ymddiriedolwyr
(ar ran yr Ymddiriedolwyr)
Dyddiad: 18 Mehefin 2012



Gareth Jones
Ymddiriedolwr

Adroddiad Buddsoddi ar gyfer y Flwyddyn a ddaeth i ben 31 Mawrth 2012

Mae'r Ymddiriedolwyr wedi paratoi Datganiad o Egwyddorion Buddsoddi, sy'n nodi eu polisiau buddsoddi a'u strategaeth ar gyfer eu cyflawni, ac mae copi ar gael ar gais.

Mae'r cyfrifoldeb o reoli buddsoddiadau o ddydd i ddydd wedi'i ddirprwyo i Baillie Gifford & Co, sy'n gweithredu yn unol â chanllawiau a chyfyngiadau a nodir yn y Cytundeb Polisi Bywyd ac yn ôl cyfarwyddiadau a roddir gan yr Ymddiriedolwyr o bryd i'w gilydd.

Targed Buddsoddi

Mae'r Ymddiriedolwyr wedi pennu nod perfformiad ar gyfer y rheolwyr buddsoddi sy'n ystyried proffil atebolrwydd y Cynllun a lefel y risg y mae'r Ymddiriedolwyr yn ei hystyried sy'n briodol. Mae'r cynllun yn buddsoddi yng Nghronfeydd Pensiwn Rheoledig, Mynegrifol 'Gilt Plus' a Thwf Amrywiol Baillie Gifford.

Cronfa Bensiwn Reoledig Baillie Gifford

Targed cyfredol Cronfa Bensiwn Reoledig Baillie Gifford yw perfformio 1.0 -1.5% (gros) yn well bob blwyddyn na Chronfa Gronedig Ganolrif Gytbwys CAPS dros gyfnodau treigl o 3 blynedd.

Cronfa Bensiwn Fynegrifol 'Gilt Plus' Baillie Gifford

Targed cyfredol Cronfa Bensiwn Fynegrifol 'Gilt Plus' Baillie Gifford yw perfformio 1.5% (gros) yn well bob blwyddyn na'r elw ar Fyngai Gilt Fynegrifol 5 mlynedd Actiwarau'r FT dros gyfnodau treigl o 3 blynedd. Cyn 10 Rhagfyr 2010, y targed oedd perfformio 0.75% (gros) yn well bob blwyddyn na'r elw ar Fyngai Gilt Fynegrifol 5 mlynedd Actiwarau'r FT dros gyfnodau treigl o 3 blynedd.

Cronfa Bensiwn Twf Amrywiol Baillie Gifford

Targed cyfredol Cronfa Bensiwn Twf Amrywiol Baillie Gifford yw perfformio 3.5% (ffioedd net) yn well bob blwyddyn na chyfradd sylfaenol y DU dros gyfnod treigl o 5 mlynedd gydag anweddolrwydd blyneddol o lai na 10%.

Dosraniad yr Asedau

Dyma ddosraniad asedau'r Gronfa ar 31 Mawrth:

	2011	2012
	%	%
Cronfa Bensiwn Reoledig	70.5	66.4
Cronfa Bensiwn Fynegrifol 'Gilt Plus'	8.3	9.7
Cronfa Bensiwn Twf Amrywiol	21.2	23.9
CYFANSWM	100	100

Cefndir yr Economi a'r Farchnad

- 12 mis tan 31 Mawrth 2012.

Yn ystod llawer o'r cyfnod 12 mis hyd at 31 Mawrth, y prif deimlad ymysg buddsoddwyr oedd ansicrwydd, gan fod ateb i'r problemau yn ardal yr Ewro yn parhau i fod yn anodd i'w ganfod a bod problemau yn parhau ynghylch y posibilrwydd bod yr economi fyd-eang yn gwanhau ymhellach. Yn y cyfamser, roedd diffyg hyder o hyd ymysg defnyddwyr. Cafodd hyn ei adlewyrchu gyda manwerthiannau gwael a gwendid pellach mewn prisiau tai, yn enwedig yn y DU, lle caeodd nifer o fanwerthwyr ar gyfer busnes.

Fodd bynnag, yn ystod rhan gyntaf 2012, gwnaeth Banc Canolog Ewrop ei ymgais diweddaraf i sefydlogi'r sefyllfa yn ardal yr arian sengl, a dechreuodd data economaidd wella yn yr Unol Daleithiau. Cafodd y ddau ffactor hyn effaith gadarnhaol ar farchnadoedd buddsoddi yn gyffredinol. Yn Tsieina, mae'r rhagolwg wedi parhau i fod yn gadarnhaol ar y cyfan ac roedd gwario ymysg defnyddwyr cyfoethog yn rhannau o Asia a'r Dwyrain Canol yn llewyrchus.

O ystyried y cefndir cymysg, nid yw'n syndod bod marchnadoedd stoc ledled y byd wedi bod yn amrywiol o ran eu llwyddiannau. Daeth cyfnod y DU i ben tua 1% yn uwch, a chododd UDA 7%, ond collodd y Marchnadoedd sy'n Datblygu 9% yn nhermau sterling, cafodd gofidiau Ewrop eu hadlewyrchu gyda dirywiad o 11%, a daeth cyfnod Asia Ddatblygedig (gan gynnwys Siapan) i ben 2% yn is.

Cafodd marchnadoedd bondiau Llywodraeth y DU fudd o'u statws canfyddedig fel hafan ddiogel mewn cyfnod o gythrwfl a chynyddodd 14% yn ystod y cyfnod, tra oedd bondiau llywodraeth dramor wedi cynyddu 5% mewn termau arian lleol. Roedd adenillion bondiau corfforaethol yn fwy amrywiol ond, o'u cymryd gyda'i gilydd, roeddent yn sylweddol uwch ar ddiwedd y cyfnod, gyda bondiau corfforaethol y DU yn perfformio'n arbennig o dda i gael cynnydd o 9%.

Gwnaeth symudiadau yn y farchnad yn ystod y cyfnod roi cyfle i ni gynyddu ein buddsoddiad mewn rhai stociau sy'n ymddangos fel petaent wedi'u bwrw'n annheg gan yr ymdeimlad negyddol. Rydym hefyd yn dal swyddi mewn nifer o gwmnïau sydd â rhagolwg hirdymor rhagorol yn ein barn ni, nad yw wedi'i adlewyrchu'n llawn ym mhrisiau eu cyfranddaliadau. Yn y tymor hwy, mae'n well gennym ecwiti na bondiau.

Perfformiad (ar ôl didynnu ffioedd rheoli net)

Dyma'r elw net a gynhyrchodd y Cronfeydd ar gyfer y flwyddyn a ddaeth i ben ar 31 Mawrth 2012:

	1 flwyddyn %	3 blynedd % y fl	5 mlynedd % y fl
Y Gronfa Bensiwn Reoledig	2.4	19.5	6.0
<i>Cronfa Gronedig Ganolrif CAPS</i>	<i>0.0</i>	<i>14.7</i>	<i>3.2</i>
Y Gronfa Bensiwn Fynegrifol 'Gilt Plus'	20.0	12.5	9.4
<i>FTA Mynegrifol y Llywodraeth dros 5 mlynedd</i>	<i>21.1</i>	<i>12.6</i>	<i>9.5</i>
Cronfa Bensiwn Twf Amrywiol	3.7	18.6	-
<i>Cyfradd sylfaenol y DU</i>	<i>0.5</i>	<i>0.5</i>	<i>-</i>

Y Daliadau Mwyaf

Ar 31 Mawrth 2012, dyma'r deg daliad mwyaf, sy'n cynrychioli 26.1% o gyfanswm gwerth y Gronfa Bensiwn a Reolir:

	% o'r Portffolio
Baillie Gifford EM Growth Fund	9.9
Baillie Gifford EM Leading Co Fund	2.7
Baillie Gifford Investment Grade Bond Fund	2.3
Baillie Gifford Smaller Co Fund	2.2
Baillie Gifford Global Bond Fund	1.9
BG Worldwide Active Cash Plus Fund	1.6
British American Tobacco	1.6
BG Group	1.5
Imperial Tobacco	1.2
Svenska Handelsbanken	1.2

EM = Marchnadoedd sy'n Datblygu

Ar 31 Mawrth 2012 y deg daliad mwyaf, a oedd yn cyfrif am 27.9% o gyfanswm gwerth y Gronfa Bensiynau Twf Amrywiol, oedd:

	% o'r Portffolio
Baillie Gifford EM Bond Fund	9.2
Metreta Fund	2.9
ETFS Physical Gold	2.8
Aspect Diversified Trends Fund	2.6
Commerzbank European Defensive Premia Fund	2.5
Baillie Gifford Corporate Bond Fund	2.4
Brazil CPI Linked 15/05/2045	1.7
HICL Infrastructure	1.3
HICL Infrastructure	1.3
Winton Futures Fund	1.2

EM = Marchnadoedd sy'n Datblygu

Marchnadwyedd

Mae buddsoddiadau'n cynnwys unedau mewn cyfryngau buddsoddi cyfunol a reolir gan Baillie Gifford, ac ystyrir bod y daliadau'n werthadwy.

Polisi Amgylcheddol a chymdeithasol a pholisi llywodraethu Baillie Gifford

Mae Baillie Gifford yn cydnabod bod hawliau a chyfrifoldebau arbennig yn cyd-fynd â bod yn berchen ar gyfranddaliadau cwmni ar ran cleientiaid. Ar yr un pryd, mae materion amgylcheddol, cymdeithasol a llywodraethiant, a'r modd y caiff y materion hyn eu rheoli, yn rhan annatod o gynaliadwyedd busnes. Oherwydd hyn, mae Baillie Gifford yn ystyried materion o'r fath wrth ddadansoddi ac adolygu cwmni, ac mae Tîm Llywodraethu Corfforaethol penodol hefyd yn ysgwyddo'r cyfrifoldebau sydd ynghlwm â bod yn berchen ar gyfranddaliadau ar ran ein cleientiaid.

Fel rheolwyr gweithredol, rhan allweddol o'n strategaeth fuddsoddi yw asesu safon rheolaeth cwmnïau, ac yn benodol agweddau'r rheolwyr at gyfranddalwyr. Wrth gyfuno gwybodaeth busnes anariannol â gwybodaeth ariannol, ceir dealltwriaeth werthfawr o safon y rheoli'n gyffredinol. O gofio bod materion amgylcheddol, cymdeithasol a llywodraethiant yn faterion tymor canolig a hirdymor, a bod ein cleientiaid yn buddsoddi yn yr hirdymor, mae'n bwysig ein bod yn ystyried agweddau cwmnïau tuag at y materion hyn fesul achos.

Mae'n hagwedd tuag at y materion cymdeithasol ac amgylcheddol sy'n cyd-fynd â pherchnogaeth cyfranddaliadau'n seiliedig ar ymgysylltu a thrafod yn hytrach nag allgáu. Drwy ddefnyddio ymchwil mewnol ac allanol, rydym wedi nodi

materion allweddol yn ymwneud â chyfranddaliadau'n cleientiaid ac wedi'u trafod â'r cwmnïau dan sylw. Yn y modd hwn, rydym yn annog cwmnïau i fonitro ac i ddelio â'r risgiau a'r cyfleoedd amgylcheddol a chymdeithasol perthnasol sy'n wynebu eu busnesau. Credwn y gall y broses hon gyfrannu at werth buddsoddiadau ein cleientiaid yn yr hirdymor.

18 Mai 2012



CYNLLUN PENSIWN AELODAU CYNULLIAD CENEDLAETHOL CYMRU

DATGANIAD YR ACTIWARI – AM Y FLWYDDYN ARIANNOL HYD AT 31 Mawrth 2012

Caiff Cynllun Pensiwn Cynulliad Cenedlaethol Cymru ei eithrio o'r gofyniad fel y'i nodir yn Rheoliadau Cynlluniau Pensiwn Galwedigaethol (Datgelu Gwybodaeth) 1996 i baratoi adroddiad a chyfrifon wedi'u harchwilio o fewn saith mis ar ôl diwedd y flwyddyn gyfrifo. Fodd bynnag, bwriad yr Ymddiriedolwyr yw cydymffurfio ag ethos y ddeddfwriaeth, ac yn hynny o beth, mae'r datganiad hwn wedi'i baratoi yn yr un modd â phe byddai'r ddeddfwriaeth yn cael ei gweithredu.

Asesiad Actiwaraid.

Cynhaliwyd asesiad actiwaraid ffurfiol o Gynllun Pensiwn Aelodau Cynulliad Cenedlaethol Cymru (y Cynllun) gyda dyddiad gweithredol o 1 Ebrill 2011, a'r prif amcan oedd gwneud argymhelliad i Ymddiriedolwyr y Cynllun ynghylch lefel briodol cyfradd cyfraniad y cyflogwr ar ôl y dyddiad hwnnw. Er bod swm cyfraniadau aelodau wedi'i bennu yn y Rheolau, mae cyfradd cyfraniad y cyflogwr yn cael ei bennu fel canran y cyflog sydd ei hangen i dalu balans y gost gyda'r bwriad o sicrhau y telir am fuddiannau'r Cynllun yn ystod gwasanaeth gweithredol yr Aelod â Chynulliad Cenedlaethol Cymru.

Dull

Ar gyfer prisiad actiwaraid 2011, cafodd y rhwymedigaethau y disgwyliwyd iddynt gronni o dan y Cynllun yn ystod y flwyddyn yn dilyn y dyddiad priso eu priso gan ddefnyddio'r dull prisiad actiwaraid sef y *Dull Rhagamcanu Unedau*. Mynegir *Cyfradd Cyfraniad Safonol* y Dull Rhagamcanu Unedau fel gwerth y buddiannau a gronnir yn ystod y cyfnod rheoli wedi ei rannu â gwerth presennol enillion aelodau yn ystod y cyfnod hwn. Disgwylir i'r dull priso hwn ddarparu cyfradd cyfraniad safonol lled sefydlog ar gyfer prisiadau actiwaraid olynol cyhyd ag y bo'r dosbarthiad o aelodau'r Cynllun o ran oedran/rhyw/cyflog yn aros yn lled gyson.

Cymharwyd gwerth y rhwymedigaethau a gronnwyd hyd at y dyddiad priso â gwerth asedau'r Cynllun ar yr un dyddiad. Gellid fod wedi adlewyrchu'r gwarged o £1.64m fel addasiad i'r Gyfradd Cyfraniad Safonol. Fodd bynnag, yn dilyn

trafodaethau â'r Ymddiriedolwyr, mae'r gyfradd cyfraniad a argymhellir ar gyfer cyflogwyr yr un fath ag sy'n daladwy yn dilyn prisiad 2008. Mae hyn yn is na'r Gyfradd Cyfraniad Safonol llawn llai cyfraniadau aelod, ond yn uwch nag y byddai wedi bod pe byddai'r Gyfradd Cyfraniadau Safonol wedi'i haddasu i gael gwared ar y gwarged yn y cynllun dros 15 mlynedd.

Tybiaethau

Er mwyn cyfrifo cost buddiannau'r Cynllun, mae'n rhaid gwneud rhai tybiaethau actiwaraidd o ran incwm disgwylidig y Cynllun yn y dyfodol a'r budd-daliadau a delir ganddo. Mae'r Gyfradd Cyfraniad Safonol yn golygu y byddai'n ddigonol i gyllido'r buddiannau a gronnir ar ôl y dyddiad prisio os yw'r profiad yn unol â'r tybiaethau a wnaethpwyd. Efallai y bydd angen addasu'r Gyfradd Cyfraniad Safonol yn y dyfodol i ystyried unrhyw wahaniaeth rhwng profiadau'r Cynllun a'r tybiaethau cyllid.

Dangosir y prif dybiaethau a ddefnyddiwyd ym mhrisiad actiwaraidd 2011 i gyfrifo cost buddiannau'r Cynllun yn y tabl isod:

Adenillion buddsoddiad, net o dreuliau, yn fwy na chwyddiant cyflog	1¼% y flwyddyn
Adenillion buddsoddiad, net o dreuliau, yn fwy na chwyddiant pris	3½% y flwyddyn
Hirhoedledd pensiynwyr - yn seiliedig ar dablau safonol a gyhoeddir gan yr Ymchwiliad Parhaus i Farwolaethau (tablau ysgafn SAPS) gyda gwelliannau yn y dyfodol yn unol â phrif ragamcanion yn seiliedig ar boblogaeth 2010 a gynhyrchwyd gan y Swyddfa Ystadegau Gwladol)	

Nodir manylion pellach am y dulliau a'r tybiaethau a ddefnyddir yn yr adroddiad ar yr asesiad actiwaraidd fel ag yr oedd ar 1 Ebrill 2011, dyddiedig 26 Mawrth 2012.

Cyfradd Cyfraniadau

Mae Aelodau'n talu cyfraniadau cyfwerth â 10% o'u cyflog pensiynadwy os ydynt yn cronni un rhan o ddeugain o'u tâl pensiynadwy terfynol am bob blwyddyn o wasanaeth, neu 6% o'u tâl pensiynadwy os ydynt yn cronni un rhan o hanner cant. Gan ddefnyddio'r dull a'r tybiaethau uchod, yr asesiad ar gyfer cyfraniad y cyflogwr oedd 23.8% o gyflog pensiynadwy o 1 Ebrill 2012 ymlaen, sydd yr un gyfradd ag sy'n daladwy rhwng 1 Ebrill 2009 ac 1 Ebrill 2012. Mae'r gyfradd hon yn cynnwys darpariaeth lawn o ran budd-dâl marwolaeth, gan gynnwys cynnydd yn y buddiannau hyn ers i'r cynllun ddechrau, a hefyd lwfans ar gyfer costau gweinyddu.

Diogelwch yr Hawliau Arfaethedig

Yn fy marn i, mae adnoddau'r cynllun yn debygol, o dan amgylchiadau arferol, o gwrdd â rhwymedigaethau llawn y cynllun fel y mae. Wrth fynegi'r farn hon, rwyf wedi cymryd yn ganiataol y bydd cyfraniadau'r cyflogwr a'r aelod yn cael eu talu i'r Cynllun fel y disgrifir yn y paragraff "Cyfradd Cyfraniadau" yn unol â'r adolygiad yn ytsod yr asesiadau actiwaraid.

Asesiad nesaf yr Actiwari .

Dyddiad gweithredol prisiad ffurfiol nesaf y Cynllun gan yr actiwari yw 1 Ebrill 2014. Prif ddiben y prisiad hwnnw yw asesu a yw cyfradd cyfraniadau'r cyflogwr a argymhellwyd yn ddigonol, gan ystyried yr holl ffactorau perthnasol ers y prisiad blaenorol.



I A Boonin
Cymrawd Athrofa a Chyfadrn yr Actiwariaid
26 Ebrill 2012

Adran Actiwari'r Llywodraeth
Finlaison House
15-17 Furnival Street
Llundain EC4A 1AB

DATGANIAD O GYFRIFOLDEBAU'R YMDDIRIEDOLWYR

Yr Ymddiriedolwyr sy'n gyfrifol am y datganiadau ariannol. Nid yw'n ofynnol trwy statud i'r Ymddiriedolwyr gydymffurfio â rheoliadau cynllun pensiwn, ond maent wedi cytuno i wneud hynny pan fo hynny'n bosibl oherwydd bod hynny'n arfer da. Yn ôl y rheoliadau, mae'n rhaid i'r Ymddiriedolwyr sicrhau bod datganiadau ariannol archwiliedig ar gyfer bob blwyddyn o'r Cynllun ar gael i aelodau'r cynllun, buddiolwyr a rhai partiön eraill a bod yn rhaid i'r datganiadau hyn:

- roi darlun cywir a theg o drafodion ariannol y cynllun yn ystod blwyddyn y cynllun ac o swm a sefyllfa'r asedau a'r rhwymedigaethau ar ddiwedd y flwyddyn honno, ar wahân i'r cyfrifoldebau i dalu pensiynau a buddion ar ôl diwedd blwyddyn y cynllun, ac
- cynnwys y wybodaeth benodol yn yr Atodlen i'r Rheoliadau Cynlluniau Pensiwn Galwedigaethol (Gofyniad i gael Cyfrifon Archwiliedig a Datganiad gan yr Archwilydd) 1996, gan gynnwys datganiad yn nodi a yw'r datganiadau ariannol wedi'u paratoi yn unol â'r Datganiad o'r Arfer a Argymhellir 'Adroddiadau Ariannol o Gynlluniau Pensiwn'.

Mae'r Ymddiriedolwyr wedi goruchwyllo'r gwaith o baratoi'r datganiadau ariannol ac maent wedi cytuno ar bolisiâu cyfrifyddu addas, sydd i'w gweithredu'n gyson gan wneud unrhyw amcangyfrifon a dod i unrhyw farn ar sail ddarbodus a rhesymol.

Mae'r Ymddiriedolwyr yn gyfrifol am sicrhau y cedwir at reolau'r Cynllun ac argymhellion yr Actiwari o ran y cyfraniadau sy'n daladwy i'r Cynllun neu gyfraniadau gan, neu ar ran, y cyflogwr ac aelodau gweithredol y cynllun a'r dyddiadau y mae'r cyfraniadau hyn i'w talu. Mae'r Ymddiriedolwyr hefyd yn gyfrifol am gadw cofnod o gyfraniadau a dderbyniwyd mewn perthynas ag unrhyw aelod gweithredol o'r cynllun ac am sicrhau bod cyfraniadau'n cael eu gwneud i'r Cynllun yn unol ag argymhellion Actiwari'r Cynllun.

Hefyd mae gan yr Ymddiriedolwyr gyfrifoldeb cyffredinol dros sicrhau bod cofnodion cyfrifyddu digonol yn cael eu cadw ac am gymryd y camau sy'n rhesymol agored iddynt i ddiogelu asedau'r cynllun ac i atal a darganfod unrhyw dwyll neu anghysonderau eraill, gan gynnwys cynnal dulliau rheoli mewnol priodol.

**Cynllun Pensiwn Aelodau Cynulliad Cenedlaethol Cymru
Crynodeb o'r Cyfraniadau a dalwyd yn y flwyddyn**

Dyma'r cyfraniadau a dalwyd yn ystod y flwyddyn i'r cynllun gan y Cyflogwr yn unol ag argymhellion yr Actiwari:

	2011-12 £	2010-11 £
Cyfraniadau arferol y cyflogwr	930,456	965,621
Cyfraniadau arferol y Gweithiwr Cyflogedig	383,787	388,841
Cyfraniadau gwirfoddol ychwanegol y gweithiwr i brynu blynyddoedd ychwanegol	3,934	13,442
Cyfanswm y cyfraniadau	1,318,177	1,367,904



William Graham
Aelod Cynulliad
Cadeirydd yr Ymddiriedolwyr

(ar ran yr Ymddiriedolwyr)



Gareth Jones
Ymddiriedolwyr

Dyddiad: 18 Mehefin 2012

Cysoni'r cyfraniadau a dalwyd, a welir uchod, a'r cyfraniadau a nodwyd yn y datganiadau ariannol:

	2011-12 £	2010-11 £
Cyfraniadau a dalwyd:	1,367,904	1,367,904
Llai dyledwr agoriadol:	(113,128)	(115,122)
Ynghyd â'r dyledwr cloi:	<u>112,835</u>	<u>113,128</u>
Cyfraniadau a nodwyd yn y datganiadau ariannol:	<u>1,317,884</u>	<u>1,365,910</u>

Datganiad yr Archwilydd Annibynnol o Gyfraniadau, dan Reoliad 4 y Rheoliadau Cynlluniau Pensiwn Galwedigaethol (Gofyniad i gael Cyfrifon Archwiledig a Datganiad gan yr Archwilydd) 1996, i Ymddiriedolwyr Cynllun Pensiwn Aelodau Cynulliad Cenedlaethol Cymru.

Yr wyf wedi archwilio'r crynodeb o'r cyfraniadau i Gynllun Pensiwn Aelodau Cynulliad Cenedlaethol Cymru am flwyddyn y cynllun a ddaeth i ben ar 31 Mawrth 2012, a nodir ar dudalen 18.

Cyfrifoldebau'r Ymddiriedolwyr a'r Archwilwyr


Fel y disgrifir ar dudalen 17, mae Ymddiriedolwyr y cynllun yn gyfrifol am sicrhau bod rhestr o gyfraniadau wedi'i pharatoi, ei chynnal a'i hadolygu ac o bryd i'w gilydd, sy'n nodi'r cyfraddau a'r dyddiadau dyledus yng nghyswllt rhai cyfraniadau sy'n daladwy i'r cynllun gan neu ar ran y cyflogwr ac aelodau gweithredol y cynllun. Mae'r Ymddiriedolwyr hefyd yn gyfrifol am gadw cofnod o gyfraniadau a dderbyniwyd mewn perthynas ag unrhyw aelod gweithredol o'r cynllun ac am sicrhau bod cyfraniadau'n cael eu gwneud i'r Cynllun yn unol ag argymhellion yr Actiwari fel y nodir yn Natganiad yr Actiwari ar dudalennau 14 a 16. Fy nghyfrifoldeb i yw darparu datganiad am gyfraniadau a dalwyd yn unol ag argymhellion yr Actiwari ac i roi fy marn i chi.

Sail y datganiad am gyfraniadau

Cynlluniais a chyflawnais fy ngwaith er mwyn cael y wybodaeth a'r esboniadau a ystyriwn yn angenrheidiol er mwyn rhoi sicrwydd rhesymol fod y cyfraniadau a nodwyd yn y crynodeb o gyfraniadau wedi'u talu yn unol â'r gofynion perthnasol. I'r perwyl hwn roedd y gwaith a wneuthum yn cynnwys archwilio, ar sail profion, y dystiolaeth a oedd yn gysylltiedig â swm y cyfraniadau a dalwyd i'r cynllun a phryd y gwnaed y taliadau hynny, o dan y rhestr o gyfraniadau. Mae gofyn i'm datganiad am gyfraniadau gyfeirio at yr achosion hynny o beidio â chydymffurfio â'r rhestr o gyfraniadau, a ddaw i'm sylw wrth i mi ymgymryd â'm gwaith.

Datganiad am gyfraniadau

Yn fy marn i mae cyfraniadau i'r cynllun yn y flwyddyn a ddaeth i ben 31 Mawrth 2012, fel yr adroddwyd yn y crynodeb o gyfraniadau, wedi'u talu yn unol â Datganiad yr Actiwari a ardystiwyd gan Actiwari'r Cynllun ar 26 Ebrill 2012.



Huw Vaughan Thomas
Archwilydd Cyffredinol Cymru
20 Mehefin 2012

24 Heol y Gadeirlan
Caerdydd
CF11 9LJ

Cyfrifoldeb y Cynulliad yw cynnal a chadw a sicrhau cywirdeb gwefan Cynulliad Cenedlaethol Cymru; nid yw'r gwaith y mae'r archwilydd yn ymgymryd ag ef yn ystyried y materion hyn ac, oherwydd hyn, nid yw'r archwilydd yn derbyn unrhyw gyfrifoldeb am unrhyw newidiadau a allai fod wedi'u gwneud i'r datganiadau ariannol ers iddynt gael eu cyflwyno am y tro cyntaf ar y wefan.

DATGANIAD RHEOLAETH FEWNOL

Cwmpas y cyfrifoldeb

Rydym yn cydnabod ein cyfrifoldeb fel Ymddiriedolwyr i sicrhau bod system reolaeth fewnol effeithiol yn cael ei chynnal a'i gweithredu sy'n helpu i gyflawni amcanion y Cynllun a hefyd yn diogelu asedau'r cynllun.

Diben y system rheolaeth fewnol

Gall y system ddarparu sicrwydd rhesymol, ond nid sicrwydd llwyr, bod asedau yn cael eu diogelu, bod trafodion yn cael eu hawdurdodi a'u cofnodi'n gywir a bod camgymeriadau neu afreoleidd-dra difrifol yn cael eu hatal neu'n cael eu datgelu yn gyflym.

Mae'r system reolaeth fewnol yn seiliedig ar broses barhaus i geisio nodi'r prif risgiau sy'n bygwth nodau ac amcanion y Cynllun, i bwysu a mesur natur a maint y risgiau hynny ac i'w rheoli. Mae'r system wedi'i seilio ar fframwaith o wybodaeth reoli reolaidd, gan gynnwys cyngor annibynnol gan gynghorwyr proffesiynol y Gronfa, gweithdrefnau gweinyddol priodol a system ddirprwyo ac atebolrwydd. Roedd yr holl weithdrefnau priodol yn eu lle yn ystod 2011-12.

Y gallu i ymdopi â risg

Mae'r cyfrifoldeb o weinyddu a chadw cyfrifon o ddydd i ddydd wedi'i ddirprwyo i'r Ysgrifenyddiaeth ac mae'r Ymddiriedolwyr yn dibynnu ar weithdrefnau rheolaeth fewnol y Cynulliad, sy'n rhan o'r system reolaeth fewnol a weithredir gan Gomisiwn y Cynulliad.

Fframwaith risg a rheoli

Mae angen adroddiadau rheolaidd arnom gan yr ysgrifenyddiaeth ar y camau y maent yn eu cymryd er mwyn rheoli risgiau o fewn eu meysydd cyfrifoldeb gan gynnwys adroddiadau cynnydd.

Yn ystod 2011-12, rydym wedi:

- cadw cofrestr risg sy'n cael ei hadolygu'n rheolaidd ym mhob un o gyfarfodydd yr Ymddiriedolwyr;
- trefnu bod yr ysgrifenyddiaeth yn paratoi adroddiadau ar weithgarwch rheolaeth fewnol; ac
- wedi adolygu'r adroddiad annibynnol ar Reolaeth Fewnol Baillie Gifford yn ystod y cyfnod hyd at 30 Ebrill 2011 er mwyn rhoi sicrwydd bod rheolaeth fewnol rheolwr y gronfa yn bodloni'r safon ofynnol.


- derbyn adroddiadau chwarterol gan Baillie Gifford sy'n cael eu trafod yng nghyfarfodydd yr Ymddiriedolwyr. Mae'r adroddiadau hyn yn cynnwys adroddiad rheolwr cyllid; manylion perfformiad y buddsoddiad; rhestr o ddaliadau cyfredol; a gwybodaeth cyfrifo a llywodraethu corfforaethol.
- adolygu effeithiolrwydd parhaus y systemau diogelu gwybodaeth.

Adolygu Effeithiolrwydd

Mae Archwilwyr Mewnol Comisiwn y Cynulliad yn ein helpu i ddatblygu a chynnal y system rheolaeth fewnol ac mae gwaith yr archwilwyr allanol yn sail i'n hadolygiad o effeithiolrwydd y system hon. Caiff y sylwadau a wnaed gan yr archwilwyr allanol yn eu llythyr rheoli ac mewn adroddiadau eraill eu hystyried.



William Graham
Aelod Cynulliad
Cadeirydd yr Ymddiriedolwyr
(Ar ran yr Ymddiriedolwyr)



Gareth Jones
Ymddiriedolwr

Dyddiad: 18 Mehefin 2012

Adroddiad yr Archwilydd Annibynnol i Ymddiriedolwyr Cynllun Pensiwn Aelodau Cynulliad Cenedlaethol Cymru

Rwy'n tystio fy mod wedi archwilio datganiadau ariannol Cynllun Pensiwn Aelodau Cynulliad Cenedlaethol Cymru am y flwyddyn a ddaeth i ben 31 Mawrth 2012, sy'n cynnwys cyfrif y gronfa, y datganiad asedau net a'r nodiadau cysylltiedig. Mae'r fframwaith adrodd ariannol a ddefnyddiwyd wrth eu paratoi yn gyfraith berthnasol a Safonau Cyfrifyddu'r Deyrnas Unedig (Arferion Cyfrifyddu a Dderbynnir yn Gyffredinol yn y Deyrnas Unedig).

Cyfrifoldebau arbennig yr ymddiriedolwyr a'r archwilwyr

Fel yr eglurir yn llawnach yn Natganiad Cyfrifoldebau'r Ymddiriedolwyr a nodir ar dudalen 17, ymddiriedolwyr y cynllun sy'n gyfrifol am baratoi'r datganiadau ariannol sy'n rhoi darlun cywir a theg.

Fy nghyfrifoldeb i yw archwilio'r datganiadau ariannol yn unol â'r gyfraith berthnasol a'r Safonau Rhyngwladol ar Archwilio (y DU ac Iwerddon). Mae'r safonau hyn yn ei gwneud yn ofynnol i mi gydymffurfio â Safonau Moesegol Archwilwyr y Bwrdd Ymarfer Archwilio.

Cwmpas archwilio'r datganiadau ariannol


Mae archwiliad yn cynnwys casglu tystiolaeth am y symiau a'r datgeliadau yn y datganiadau ariannol sy'n rhydd o gamddatganiad penodol, p'un a gaiff ei achosi gan dwyll neu gamgymeriad. Mae hyn yn cynnwys asesiad o'r canlynol: a yw'r polisiau cyfrifyddu yn briodol i amgylchiadau cynllun Pensiwn Aelodau Cynulliad Cenedlaethol Cymru a'u bod wedi'u cymhwyso a'u datgelu'n gyson; pa mor rhesymol yw'r amcangyfrifon cyfrifyddu sylweddol a wneir gan yr ymddiriedolwyr; a chyflwyniad y datganiadau ariannol yn gyffredinol.

Barn ar ddatganiadau ariannol

Yn fy marn i, mae'r datganiadau ariannol:

- yn rhoi darlun cywir a theg o drafodion ariannol y cynllun yn ystod y flwyddyn a ddaeth i ben ar 31 Mawrth 2012, a'r swm a'r sefyllfa ar ddyddiad ei asedau a'i rwymedigaethau, heblaw am y rhwymedigaethau i dalu pensiynau a buddiannau ar ddiwedd y flwyddyn;
- wedi'u paratoi'n briodol yn unol ag Arferion Cyfrifyddu a Dderbynnir yn Gyffredinol yn y Deyrnas Unedig; ac

- yn cynnwys y wybodaeth a bennir yn Rheoliad 3 o Reoliadau Cynlluniau Pensiwn Galwedigaethol a'r Atodlen iddi (Gofyniad i gael Cyfrifon Archwiliedig a Datganiad gan yr Archwilydd) 1996, a wneir o dan Ddeddf Pensiynau 1995.



Huw Vaughan Thomas
Archwilydd Cyffredinol Cymru
Dyddiad: 20 Mehefin 2012

24 Heol y Gadeirlan
Caerdydd
CF11 9LJ

Cyfrifoldeb y Cynulliad yw cynnal a chadw a sicrhau cywirdeb gwefan Cynulliad Cenedlaethol Cymru; nid yw'r gwaith y mae'r archwilydd yn ymgymryd ag ef yn ystyried y materion hyn ac, oherwydd hyn, nid yw'r archwilydd yn derbyn unrhyw gyfrifoldeb am unrhyw newidiadau a allai fod wedi'u gwneud i'r datganiadau ariannol ers iddynt gael eu cyflwyno am y tro cyntaf ar y wefan.

Cyfrifon Cynllun Pensiwn Aelodau Cynulliad Cenedlaethol Cymru ar gyfer y flwyddyn hyd at 31 Mawrth 2012

Cyfrif y Gronfa

		2011-12 £	2010-11 £
Incwm y Cynllun			
Cyfraniadau i'w derbyn	4	1,317,884	1,365,910
Trosglwyddiadau i mewn		341,032	71,928
Llog a dderbyniwyd		77	33
Incwm amrywiol	5	7,879	7,197
		<hr/>	<hr/>
		1,666,872	1,455,068
Gwariant y Cynllun			
Budd-daliadau sy'n daladwy	6	826,884	428,081
Ffioedd proffesiynol	7	100,376	104,981
Costau gweinyddu eraill		5,247	3,852
		<hr/>	<hr/>
		932,507	536,914
Ychwanegiadau net o drafodion ag aelodau		<hr/>	<hr/>
		734,365	908,154
Buddsoddiadau			
Newid yng ngwerth buddsoddiadau'r Gronfa Reoledig ar y farchnad	8	305,056	1,332,791
Newid yng ngwerth buddsoddiadau'r Gronfa Fynegrifol ar y farchnad		305,285	98,526
Newid yng ngwerth buddsoddiadau'r Gronfa twf Amrywiol ar y farchnad		167,894	313,619
Llog arian cadw	9	686	1,585
Cynnydd net yn y gronfa yn ystod y flwyddyn		<hr/>	<hr/>
		1,513,286	2,654,675
Asedau net y cynllun ar 1 Ebrill 2011		18,784,595	16,129,920
Asedau net y cynllun ar 31 Mawrth 2012		<hr/> <hr/>	<hr/> <hr/>
		20,297,881	18,784,595

Datganiad Asedau Net

		Ar 31 Mawrth 2012 £	Ar 31 Mawrth 2011 £
Buddsoddiadau			
Cronfa reoledig	8	13,149,155	12,844,099
Cronfa fynegrifol		1,926,872	1,487,096
Cronfa twf amrywiol		4,736,262	3,798,422
Arian cadw buddsoddiad y Trysorlys	9	389,824	250,000
Asedau presennol	10	132,036	643,404
Rhwymedigaethau presennol	11	(36,268)	(238,426)
Asedau net y cynllun ar 31 Mawrth 2012		20,297,881	18,784,595

Dim ond crynhoi trafodion ac asedau net y cynllun mae'r cyfrifon ac nid ydynt yn ystyried rhwymedigaethau i dalu pensiynau a buddion eraill ar ôl diwedd blwyddyn y cynllun.

Cymeradwywyd ar ran yr Ymddiriedolwyr ar 18 Mehefin 2012:



William Graham
Aelod Cynulliad
Cadeirydd yr Ymddiriedolwyr



Gareth Jones
Ymddiriedolwr

Mae'r nodiadau ar dudalennau 26 i 30 yn rhan o'r cyfrifon hyn.

Nodiadau sy'n cyd-fynd â'r Cyfrifon

1. Sail y gwaith paratoi.

Mae'r cyfrifon hyn wedi'u paratoi yn unol â'r Datganiad o Arferion a Argymhellir ar Adroddiadau Ariannol Cyfrifon Cynllun Pensiwn, a ddiwygiwyd ym mis Mai 2007.

Mae'r cyfrifon yn crynhoi trafodion ac asedau net y cynllun. Nid ydynt yn ystyried rhwymedigaethau i dalu pensiynau a buddiannau eraill yn y dyfodol.

Mae'r adroddiad actiwaraidd yn ystyried y rhwymedigaethau hyn (gellir gweld datganiad yr actiwari ar dudalen 15 i 17).

2. Polisiâu Cyfrifyddu

Dyma brif bolisiâu cyfrifyddu'r cynllun:

- cyfrifir cyfraniadau arferol, cyfraniadau gwirfoddol i brynu blynyddoedd ychwanegol yn y flwyddyn y maent yn ddyledus.
- cyfrifir buddiannau ar y diwrnod y maent yn ddyledus a chyfrifir ad-daliadau cyfraniadau pan fyddant yn cael eu gwneud.
- mae trosglwyddo gwerthoedd o un cynllun pensiwn i un arall yn cynrychioli'r symiau a gafodd eu derbyn a'u talu yn ystod y flwyddyn i aelodau sydd wedi ymuno â'r Gronfa neu ei gadael.
- cyfrifir yr holl wariant arall yn y cyfnod sy'n berthnasol iddo.
- nodir buddsoddiadau ar yr un pris terfynol sy'n cael ei gyfrifo ar sail pris terfynol y gwarannau gwaelodol ar 31 Mawrth bob blwyddyn. Gall hyn fod yn wahanol i'r pris a ddefnyddir ar gyfer prynu a gwerthu unedau.

3. Ysgrifenyddiaeth

Mae'r gost o ddarparu staff ar gyfer ysgrifenyddiaeth y Cynllun yn parhau i gael ei dalu'n uniongyrchol gan Gomisiwn y Cynulliad o dan amodau'r Memorandwm Cydddealltwriaeth y cytunwyd arno rhwng y Comisiwn a'r Ymddiriedolwyr. Amcangyfrifir mai £67,000 (2010-11 £67,000) oedd y gost ar gyfer cyfnod y cyfrifon hyn.

4. Cyfraniadau i'w Derbyn

	<u>2011-12</u>	<u>2010-11</u>
	£	£
Mae cyfraniadau'n cynnwys:		
Cyflogwr : cyfraniadau arferol	930,473	964,205
Aelodau : cyfraniadau arferol	384,598	388,254
: prynu Blynyddoedd Ychwanegol	2,813	13,451
	<u>1,317,884</u>	<u>1,365,910</u>

Cyfrannodd aelodau 10% i Gronni Buddion yn seiliedig ar un rhan o ddeugain a 6% i Gronni Buddion yn seiliedig ar un rhan o hanner cant gyda Chomisiwn y Cynulliad yn cyfrannu 23.8% o gyflogau blwydd-daladwy i'r Cynllun.

Cynyddodd y blynyddoedd ychwanegol oherwydd prynodd un aelod flynyddoedd ychwanegol drwy gyfandaliad yn ystod y flwyddyn.

5. Incwm amrywiol

Pan benderfynodd yr Ymddiriedolwyr fuddsoddi yng Nghronfa Bensiwn Twf Amrywiol Baillie Gifford, roedd ad-daliad o 0.20% ar y tâl rheoli blynyddol safonol tan 1 Mehefin 2012 yn rhan o'r cytundeb. Wedyn, bydd yn dychwelyd i'r tâl rheoli blynyddol safonol, sef 0.65% o gyfaswm gwerth y gronfa ar y farchnad fesul blwyddyn ar hyn o bryd, sy'n cael ei ddiwynnu o werth y gronfa bob mis.

Y £7,879 yw'r ad-daliad a gafwyd yn ystod 2011-12 (2010-11 £7,197)

6. Budd-daliadau taladwy

	<u>2011-12</u>	<u>2010-11</u>
	£	£
Pensiynau	301,852	111,263
Budd-daliadau Ymddeol - Cyfanddaliadau	525,032	101,410
Cyfandaliad Budd-daliadau Marwolaeth	-	215,048
	<u>826,884</u>	<u>428,081</u>

7. Ffioedd Proffesiynol

	<u>2011-12</u>	<u>2010-11</u>
	£	£
Ffioedd Actiwaraid	62,453	60,297
Ffi Archwiliad	12,600	10,920
Ffioedd Cyfreithiol	25,323	33,764
	<u>100,376</u>	<u>104,981</u>

Cynyddodd y ffioedd actiwaraid ychydig oherwydd y costau sy'n gysylltiedig â'r prisiad tair blynedd tra bo'r cynnydd yn y ffi Archwilio yn adlewyrchu'r gwaith

ychwanegol sydd ei angen yn ystod blwyddyn etholiad. Cafodd ffioedd cyfreithiol eu gostwng yn sgîl llai o angen am gyngor cyfreithiol.

8. Buddsoddiadau

Delir yr holl fuddsoddiadau yng Nghronfa Bensiwn Reoledig Baillie Gifford.

a) Cronfa Bensiwn Reoledig Baillie Gifford		<u>31 Mawrth 2012</u>	<u>31 Mawrth 2011</u>
	Unedau	£	£
Gwerth y Farchnad ar 1 Ebrill	2,251,336	12,844,099	11,511,308
Prisiau prynu	-	-	-
Gwarediadau	-	-	-
Newid yn y gwerth ar y farchnad		305,056	1,332,791
Gwerth ar y farchnad ar 31 Mawrth	2,251,336	13,149,155	12,844,099
Costau ar 31 Mawrth		6,842,442	6,842,442
b) Cronfa Bensiwn Fyngrifol Baillie Gifford		<u>31 Mawrth 2012</u>	<u>31 Mawrth 2011</u>
	Unedau	£	£
Gwerth ar y farchnad ar 1 Ebrill	795,707	1,487,096	1,267,165
Prisiau prynu	63,315	134,491	121,405
Gwarediadau		-	-
Newid yn y gwerth ar y farchnad		305,285	98,526
Gwerth ar y farchnad ar 31 Mawrth	859,022	1,926,872	1,487,096
Costau ar 31 Mawrth		1,413,186	1,278,695
c) Cronfa Bensiwn Twf Amrywiol Baillie Gifford		<u>31 Mawrth 2012</u>	<u>31 Mawrth 2011</u>
	Unedau	£	£
Gwerth ar y farchnad ar 1 Ebrill	2,457,253	3,798,422	2,721,646
Prisiau prynu	497,002	769,946	763,157
Gwarediadau			
Newid yn y gwerth ar y farchnad		167,894	313,619
Gwerth ar y farchnad ar 31 Mawrth	2,954,255	4,736,262	3,798,422
Costau ar 31 Mawrth		3,909,257	3,139,311

Dangosir dosraniad asedau yn Adroddiad Buddsoddi y Rheolwyr Cronfa ar dudalen 10.

Ni wneir dosraniadau o'r gronfa, ac mae holl incwm a threth a adferir yn cael ei gyfuno, gan gynyddu gwerth yr unedau.

0.45% y flwyddyn yw ffioedd rheoli'r Gronfa Bensiwn Reoledig a'r Gronfa Bensiwn Twf Amrywiol a 0.25% yw ffioedd y Gronfa Bensiwn Fynegrifol. Cyfanswm y treuliau, gan gynnwys costau masnachu uniongyrchol yw 0.54% ar gyfer y Gronfa Bensiwn Reoledig, 0.63% ar Gronfa Bensiwn Twf Amrywiol ac 0.26% ar gyfer y gronfa Bensiwn Fynegrifol a chânt eu tynnu o werth y cronfeydd a'u hadlewyrchu ym mhris uned y cronfeydd.

9. Arian Cadw

	<u>31 Mawrth 2012</u>	<u>31 Mawrth 2011</u>
	£	£
Cyfrif cadw'r Trysorlys ar 1 Ebrill	250,000	484,529
Ychwanegu'r llog ar gyfer y flwyddyn	686	1,585
	<hr/> 250,686	<hr/> 485,844
(Alldyniadau)/adneuon	139,136	(235,864)
Symudiadau mewn llog cronedig	2	20
Cyfanswm cyfrif cadw'r Trysorlys	<hr/> <hr/> 389,824	<hr/> <hr/> 250,000

10. Asedau presennol

	<u>31 Mawrth 2012</u>	<u>31 Mawrth 2011</u>
	£	£
Arian parod yn y banc	18,814	529,910
Cyfraniadau sy'n ddyledus gan y cyflogwr	112,835	113,128
Dyledwyr eraill a rhagdaliadau	387	366
	<hr/> 132,036	<hr/> 643,404

Mae cyfraniadau sy'n ddyledus gan y cyflogwr yn cyfeirio at fis Mawrth 2012 ac fe'u talwyd yn llawn i'r cynllun cyn y terfyn amser statudol 19 Ebrill 2012.

11. Rhwymedigaethau presennol

	<u>31 Mawrth 2012</u>	<u>31 Mawrth 2011</u>
	£	£
Credydwyr: symiau'n daladwy cyn pen Blwyddyn	(36,268)	(238,426)
	<hr/> <hr/> (36,268)	<hr/> <hr/> (238,426)

Mae 'Credydwyr: symiau'n daladwy cyn pen blwyddyn' yn cynrychioli dyledion am waith a wnaed lle na dderbyniwyd yr anfonebau erbyn diwedd y flwyddyn, rhwymedigaethau dyledus sydd heb eu talu.

12. Trafodion Partïon Cysylltiedig

Yn ystod cyfnod y cyfrif mae'r Cynllun wedi cael trafodion perthnasol â Chynulliad Cenedlaethol Cymru, a ystyrir yn barti cysylltiedig.

Datgelir y trafodion hyn yn Nodyn 4 yn y cyfrifon hyn.

Nid oes yr un o Ymddiriedolwyr, Rheolwyr y Cynllun, staff rheoli allweddol neu bartïon cysylltiedig eraill wedi ymgymryd ag unrhyw drafodion perthnasol â'r Cynllun yn ystod y flwyddyn.

Datganiad Cydymffurfio

Diben y datganiad cydymffurfio hwn yw nodi'r wybodaeth ychwanegol sy'n ofynnol yn ôl y gyfraith.

Beth yw Cynllun Pensiwn Aelodau Cynulliad Cenedlaethol Cymru?

Mae Cynllun Pensiwn Aelodau Cynulliad Cenedlaethol Cymru yn darparu buddiannau i Aelodau'r Cynulliad ac i Ddeiliaid Swyddi. Mae pob Aelod o'r Cynulliad yn aelodau o'r Cynllun o'r dyddiad y maent yn ymuno â'r Cynulliad, oni bai eu bod yn benodol yn dewis peidio â gwneud hynny.

Dyma brif fuddiannau'r cynllun:

- pensiwn o un rhan o ddeugain neu un rhan o bum deg o gyflog terfynol am bob blwyddyn o wasanaeth erbyn ymddeol yn 65 oed;
- pensiwn cynnar i aelodau a ymunodd cyn 6 Ebrill 2006, sy'n daladwy pan fyddant yn ymddeol cyn y byddant yn 65 oed, os yw'r aelod wedi cyrraedd 50 oed (gellir lleihau'r pensiwn yn ôl oed/hyd gwasanaeth);
- pensiwn cynnar i aelodau a ymunodd ar ôl 6 Ebrill 2006, sy'n daladwy pan fyddant yn ymddeol cyn y byddant yn 65 oed, os yw'r aelod wedi cyrraedd 55 oed (caiff y pensiwn ei leihau);
- pensiwn wrth ymddeol ar unrhyw adeg oherwydd gwaeledd;
- pensiwn gŵr/gwraig weddw cyfwerth â 5ed/8fed o bensiwn yr aelod (yn seiliedig ar ddarpar wasanaeth os yw'n marw tra bo'n Aelod o'r Cynulliad);
- pensiwn plant (ar gyfradd o chwarter pensiwn sylfaenol neu bensiwn tebygol yr Aelod ar gyfer un plentyn neu dair rhan o wyth ar gyfer dau blentyn neu fwy);
- mae pensiynau sy'n cael eu talu yn cael eu mynegrifo i'r newidiadau yn y Gorchymyn Cynyddu Pensiynau (Adolygu);
- cyfandaliad marwolaeth mewn gwasanaeth cyfwerth â chyflog pedair blynedd ynghyd â darpariaeth ar gyfer mwy nag un enwebai;

Mae'r buddiannau dewisol yn cynnwys:

- prynu blynyddoedd ychwanegol;
- trosglwyddo hawliau pensiwn (i mewn ac allan o'r cynllun);

Perthynas â Chynllun Ymddeol y Wladwriaeth

- Mae'r Cynllun wedi'i gontractio o Gynllun Ail Bensiwn y Wladwriaeth a bydd Aelodau felly'n talu cyfradd is o gyfraniad Yswiriant Cenedlaethol.
- Mae'r pensiwn y mae Aelodau sydd wedi ymddeol yn ei dderbyn o'r Cynllun hwn yn ychwanegol i unrhyw hawl i arian o Gynllun Ymddeol y Wladwriaeth.

Sut y Penodir Ymddiriedolwyr y Cynllun

- Mae Atodlen 1 o Reolau'r Cynllun yn nodi na fydd 'mwy' na 6 Ymddiriedolwr.
- Ar unrhyw adeg, bydd un o'r chwe Ymddiriedolwr yn bensiynwr, os oes unrhyw un yn fodlon sefyll. Lle ceir mwy nag un enwebiad, cynhelir balot i ddewis yr unigolyn â'r nifer uchaf o bleidleisiau ymhlith y pensiynwyr sy'n aelodau o'r Cynllun.
- Dim ond Aelod o Gynulliad Cenedlaethol Cymru y gellir ei benodi fel Ymddiriedolwr, ond ni fydd Ymddiriedolwr yn peidio â bod yn Ymddiriedolwr os yw'n rhoi'r gorau i fod yn Aelod o Gynulliad Cenedlaethol Cymru. Gall Cynulliad Cenedlaethol Cymru benodi unrhyw Ymddiriedolwr i'r swydd neu ei ddsiwyddo. Gall Ymddiriedolwr ymddiswyddo o'r swydd trwy gyflwyno rhybudd ysgrifenedig i Lywydd Cynulliad Cenedlaethol Cymru.

Cyfarfodydd Ymddiriedolwyr

Fel arfer, cynhelir cyfarfodydd yr Ymddiriedolwyr unwaith yn ystod pob un o sesiynau'r Cynulliad, ac weithiau mae cyfarfodydd ychwanegol at ddibenion penodol. Yn ystod y flwyddyn, cynhaliwyd 3 chyfarfod arferol yr Ymddiriedolwyr.

Gall yr Ymddiriedolwyr weithredu'n ôl penderfyniad y mwyafrif sy'n bresennol mewn unrhyw gyfarfod o'r Ymddiriedolwyr lle ceir cworwm, a'r cworwm ar gyfer unrhyw gyfarfod o'r Ymddiriedolwyr fydd tri.

Penderfyniad ynghylch Anghydfod Mewnol

Mae'r Ymddiriedolwyr wedi gweithredu'r Penderfyniad ynghylch Anghydfod Mewnol yn unol â gofynion Deddf Pensiynau 1995. Gellir cael manylion y weithdrefn gan y Swyddfa Ffioedd.

Cynghorwyr y Cynllun a Benodwyd gan yr Ymddiriedolwyr Mewn Cysylltiad â'r Gronfa ar 31 Mawrth 2012

Actiwari	Trevor Llanwarne o Adran Actiwari'r Llywodraeth
Archwilydd	Archwilydd Cyffredinol Cymru
Bancwyr	Banc Barclays ccc
Rheolwr Buddsoddi	Baillie Gifford Life Cyfyngedig
Cynghorwr Cyfreithiol	Eversheds
Cyfrifyddion y Cynllun	Ysgrifenyddiaeth y Cynllun, Comisiwn y Cynulliad

Gwnaeth Grant Ballantine o Adran Actwari'r Llywodraeth ymddiswyddo fel Actwari'r Cynllun ar 31 Mawrth 2011 a daeth Trevor Llanwarne o Adran Actwari'r Llywodraeth yn ei le.

Safon Cyllid

Mae'r Cynllun wedi'i eithrio rhag gofynion Rheoliadau Cynlluniau Pensiwn Galwedigaethol (Ariannu Cynllun) 2005. Fodd bynnag, yn dilyn cyngor gan gynghorwyr proffesiynol y Cynllun, mae'r Ymddiriedolwyr wedi penderfynu mabwysiadu'r rheoliadau perthnasol fel mater o arfer da lle bo hynny'n ymarferol.

Statws Treth y Cynllun

Mae'r Cynllun yn gynllun pensiwn statudol o dan Adran 611A o Ddeddf Trethi Incwm a Chorfforaethol 1988, fel y'i diwygiwyd gan Atodlen 12 o Ddeddf Cyllid 1999, ac mae'n gynllun cofrestredig tybiedig o dan Ddeddf Pensiynau 2004 ac yn 'gynllun cymeradwy' at ddibenion derbyn gwerthoedd trosglwyddo.

Rheolwyr Buddsoddi

Ymhlith cyfrifoldebau Baillie Gifford y mae:

- (i) cyflawni'r holl swyddogaethau o ddydd i ddydd sy'n ymwneud â rheoli'r Gronfa;

- (ii) dyrannu'r portffolio cytbwys rhwng categorïau buddsoddiadau a dethol stociau unigol ym mhob categori buddsoddiadau;
- (iii) penderfynu a yw'n briodol cadw neu ryddhau buddsoddiadau unigol yn y portffolio; ac
- (iv) arfer y pwerau buddsoddi mewn modd a fydd yn gweithredu'r egwyddorion yn y Datganiad o Egwyddorion Buddsoddi (SIP), os yw hynny'n ymarferol, ac yn benodol, rhoi ystyriaeth i ba mor addas ac amrywiol yw'r buddsoddiadau o fewn y canllawiau a bennir gan yr Ymddiriedolwyr.

Cyfraniadau Gwirfoddol Ychwanegol (AVCs)

Caiff cyfraniadau blynyddoedd ychwanegol eu buddsoddi gyda'r cyfraniadau arferol yng nghronfeydd y Cynllun.